

Latihan Para Pemimpin Pelayanan Kanak-kanak Dirosis Kota Kinabalu



Latihan para pemimpin pelayanan kanak-kanak Dirosis telah dijalankan pada 6 hingga 8 Mac (Inggeris) dan 13 hingga 15 Mac (Cina) dengan kehadiran seramai 106 orang dari seluruh Dirosis. Latihan ini dimulakan dengan Perjamuan Kudus yang dipimpin oleh Bisyp Vun. Mesej pembukaannya mencabar kita untuk memikirkan sebab-sebab melayani dalam pelayanan kanak-kanak.

Masa renungan dipimpin oleh Archdeakon John Yeo, Paderi Tan Chor Kee, Paderi Yong Thiam Choy dan Ps Sim Shiu Kee. Ps Nora Chok, Ps Alice Olorosismo, Doris Chin dan Faustina Foo merupakan penceramah bahagian bengkel dan memberikan latihan yang dapat memperkayakan pengalaman dan kemahiran para peserta dalam dua bahagian yang difokuskan pada kali ini:

*Bagaimana menggerakkan kanak-kanak dalam doa dan doa syafaat?
Bagaimana untuk mencapai penjangkauan luar yang efektif?*

Latihan Guru-guru Pelayanan Kanak-kanak BM Dirosis Telupid



Latihan untuk guru-guru baru telah dijalankan pada 10-13 Mac dengan jumlah kehadiran seramai 186 orang. Ps Margaret merupakan pelatih utama dan disokong oleh beberapa anggota yang telah dikhususkan. Setiap guru dikehendaki untuk menyediakan empat pelajaran dan membuat pembentangan dalam sesi-sesi praktikal. Ini merupakan satu dorongan yang besar apabila melihat sekumpulan orang-orang muda yang baru dilatih dalam Firman Tuhan dan kerinduan mereka untuk bertumbuh.

Provinsi Sinod Sesi ke-4 Kuching



Para Bisyp dan wakil daripada empat Dirosis yang membentuk Provinsi kita bertemu di Kuching dari 26 hingga 29 Februari. Retret Sinod ini dipimpin oleh Dr. Hwa Yung, Bisyp gereja Methodist Malaysia. Beliau memetik daripada Yohanes 15 untuk menyatakan tentang situasi yang dihadapi oleh kesatuan Anglikan pada masa sekarang. Ini disusuli dengan mesyuarat agung Sinod yang diambil alih oleh ahli jawatankuasa dan komiti kecil Sinod yang lain dalam sesi ini.

Rumah Sister – Rumah Good Shepherd Kota Kinabalu



Rumah Good Shepherd – Premis baru komuniti Good Shepherd telah didedikasikan pada 3 Februari 2008 oleh Bisyp Vun. Ini merupakan satu perayaan yang penuh sukacita. Ianya dihadiri oleh ahli jawatankuasa Dirosis, penginap ARK, para paderi, wakil pemimpin gereja dari gereja-gereja di Kota Kinabalu dan delegasi dari gereja Good Shepherd. Premis yang mengandungi tempat penginapan, chapel dan Tempat Dorcas (Dorcas Place) ini dibina di kawasan yang luas. Ia terletak di pinggir kawasan yang lembap dan bersebelahan dengan ARK.

